

05-13374 / 1. juli 2016

**KALAALLIT AIRPORTS
A/S-imut**

PILERSITSINERMUT

UPPERNARSAAT

Pilersitsineq

Ataani atsiortut Naalakkersuisut, Namminersorlutik Oqartussat, Imaneq 4, 3900 Nuuk, ullumi ulloq aalajangerput aktiaatileqatigiiffik KALAALLIT AIRPORTS A/S malittarisassat ilanngunneqartut tunngavigalugit pilersinneqassasoq.

Ingerlatseqatigiiffiup aktiaatinit aningaasaatai kr. 200.000.000-inik naleqarput, allallugu koruunit tohundredemillioner 00/100, aammalu aktiaatinit kr. 1.000,00-ikkaanut agguarneqarlutik, imaluunniit taanna agguaanermi atorneqarluni.

Namminersorlutik Oqartussat Naalakkersuisuni ingerlatseqatigiiffiup aktiaatinit aningaasaatai naleqartut kr. 200.000.000 nalivissaa atorlugu, pisiaraat. Pisineq tunuarsimaarnertaqanngitsumik pivoq. Pisineq Namminersorlutik Oqartussanit Naalakkersuisunit pilersitsisutut akuersaarneqarpoq.

Ingerlatseqatigiiffiup aktiaatinit aningaasaatai naleqartut kr. 200.000.000 aningaasannorlugit pisiarinearput uppernarsarneqarlutillu. Aktiaatinik akiliineq pissaaq kingusinnerpaamik ulloq 1. juli 2016.

Aktiaatinit aningaasaatit pisiarinearput ataatsimut katillugit pisiarinearput, naleqartut kr. 200.000.000 nalivissai atorlugu taamaalilluni tamakkiisumik pisiarinearput.

Suliniut aamma suliniummut aningaasartuutit

Namminersorlutik Oqartussat ilaatigut Ilulissani aamma Nuummi nutaanik mittarfittaarnissamut tunngatillugu nunami pissutsinik misissuineq ingerlatileruttorpaat, ilanngullugu mittarfinnut inissiivissaasinnaasut aamma nunap qanoq issusaanut tunngasut. Teknikkikkut misissuinerit taakua, ingerlatseqatigiiffiup nutaap illuatungeriit akornanni isumaqatigiissuteqarneq malillugu suliaqarnerup taassuma tamakkiisumik ilaannaasumilluunniit tigusissaata

tungaanut, Namminersorlutik Oqartussani ingerlatiinnarneqassapput. Misissuinerit maannamut ingerlanneqartut ingerlanneqartussallu inerneru, immikkut akiliinani ingerlatseqatigiiffiup aamma Namminersorlutik Oqartussat akornanni tamakkiisumik agguarneqassapput.

Taarsigassarsisarneq il.il.

Ingerlatseqatigiiffiup taarsigassarsinera aamma ingerlatseqatigiiffimmi piginnittunik allanik ilaalersitsinissaq pillugu isumaqatigiissuteqarnera, ataatsimeersuarnermi akuerineqassapput. Nuummi, Ilulissani aamma Qaqortumi mittarfiit nutaat sanaartornissaannut pilersaarusionerup sanaartornerullu kiisalu attaveqaatit tassunga atasut pilersaarusionerisa sanaartornerisalu aningaasalersuutissaannik, ingerlatseqatigiiffik taarsigassarsisinnaavoq.

Ingerlatseqatigiiffiup tamatuma saniatigut ingerlatseqatigiiffimmi aningaasaliisartunik namminersortunik akuutitsinissamut periarfissat misissorsinnaavai.

Aktiaatileqatigiiffik ataatsimeersuarnermi akuersissuteqarneq malillugu, tamanna sanaartornermik suliaqarnermik siuarsaasinnaasutut imaluunniit suliasamat aningaasaqarnerup tamakkiisup pitsaanerulernissaanik qulakkeerisinnaasutut siulersuisunit nalilerneqarpat, suliaqartussanik namminersortunik suleqateqalersinnaavoq.

Aningaasartuutit

Ingerlatseqatigiiffiup pilersinneqarnerani aningaasartuutit ingerlatseqatigiiffimmit akilerneqassapput. Aningaasartuutissat kr. 50.000 missaannik annertussuseqassasut missiliorneqarput.

Allatigut

Ataatsimeersuarneq inissitsiterfiusoq pilersitsinerumut uppenarsaatip matuma atsiorneqarneranut nangissutigalugu ingerlaannaq ingerlanneqassaaq. Aggersaaneq, Aktiaatileqatigiiffinnut inatsimmi § 9 naapertorlugu, taamaalilluni pisimangilaq.

Pilersitsisup aamma aktiaatinik pisisup eqqartuussissuserisoq Poul Knudsen ingerlatseqatigiiffiup pilersinneqarnerata Inuussutissarsiornermut aqutsisoqarfimmut nalunaarutiginnissaanik piginnaatippaa, taamatullu eqqartuussissuserisoq Poul Knudsen nalunaarutiginninnermut immersugassami, ataatsimeersuarnerumut allattuiffimmi, pilersitsinerumut uppenarsaammi aamma malittarisassani allannguutinik ilassutissanillu taamaattunik, Inuussutissarsiornermut aqutsisoqarfiup nalunaarsuinissaq eqqarsaatigalugu piumasarisimasinnaasaannik ilanngussinissamut piginnaatinneqarpoq.

Taamaalilluni aalajangerneqarpoq.

Nuuk ulloq 1. juli 2016

Naalakkersuisuni Namminersorlutik Oqartussat sinnerlugit

Randi Vestergaard Evaldsen

Naalakkersuisut Siulittaasuannut tullersorti siulleq